



HEILBRIGÐISSTOFNUN
SUÐURLANDS



Ársskýrsla 2017

FRÁ FORSTJÓRA HSU



Á árinu 2017 hefur starfsemi og þjónusta Heilbrigðisstofnunar Suðurlands (HSU) enn vaxið fordæmalaust á öllum sviðum. Fjöldgun verkefna hefur verið margfalt meiri en raunaukning fjármuna til starfsemi heilbrigðisstofnunarinnar stendur undir. Því má fullyrða að á HSU sé sífellt verið að veita meiri þjónustu fyrir hlutfallslega minna fé. Helstu staðreyndir um framleiðslu- aukningu í þjónustu frá árinu 2014 til loka ársins 2017 eru:

- Komur á bráða- og slysamóttöku á Selfossi hafa aukist um 44%.
- Sjúkraflutningar í umdæminu hafa aukist um 37%.
- Samskipti við heilbrigðisstarfsmenn í heilsugæslu í umdæminu hafa aukist um 21%.
- Vitjanir í heimahjúkrun hafa aukist um 10%.

Aldrei áður höfum við þurft að sinna fleiri verkefnum og naumt er gefið til að standa undir kröfum um sívaxandi þjónustu. Áfangasigrar hafa þó náðst með samstarfsaðilum í að sækja aukið fjármagn, en starfsemin vex umfram það. Það er því skylda okkar að endurskoða á hverjum tíma hvernig best skal nýta fjármuni til að veita faglega og lögbundna þjónustu. Miðað við skýrslur Embættis landlæknis og Ríkisendurskoðunar þá stöndum við mjög vel undir þeim faglegu kröfum sem til okkar eru gerðar. Bent hefur verið á að fjárveitingar til HSU séu langt undir raunverulegri þörf. Rekstarniðurstaða liggur

nú fyrir hjá HSU fyrir árið 2017 upp á um 36,7 millj. kr. halla. Heildarfjárveitingar til HSU á árinu 2017 í fjárlögum ásamt viðbótar einskisframlögum, launabótum og styrkingu á rekstrargrunni námu 4.890.811 þús.

Við eigum því láni að fagna á HSU að nánast allar stöður heilbrigðisstarfsmanna eru full mannaðar og starfsánægja fer vaxandi á stofnuninni. Árangur af starfsemi okkar á HSU er fólgin í því hæfa starfsfólki sem starfar á öllum sviðum stofnunarinnar. Okkur skortir opinbert fé til að viðhalda eðlilegri endurnýjun á tækjum og búnaði. Velunnarar HSU hafa veitt ómetanlegan stuðning við kaup á nauðsynlegum tækjabúnaði. Áfram verður unnið að nýjum verkefnum í tengslum við göngudeild, geðheilbrigðisþjónustu, heimahjúkrun og námsstöður fagfólks. Við stefnum að því að leggja áfram sérstaka áherslu á fjarheilbrigðisþjónustu og að byggja upp teymisvinnu í heilsugæslu til að auka þjónustuframboð fyrir íbúa Suðurlands. Lykillinn að árangri okkar er hæft starfsfólk og því vinnum við áfram að uppbyggingu starfsmannastefnu með áherslu á jafnrétti, þekkingu og færni meðal starfsmanna.


Á árinu 2017 urðu tveir stórir atburðir í heilbrigðisumdæmi Suðurlands þar sem að virkja þurfti viðbragðsstjórn HSU og aðgerðarstjórn almannavarna á Suðurlandi. Um mitt sumar kom upp alvarleg magakveisa af völdum nóróveirusýkingar hjá stórum hópi ungmenna í sumarbúðun skáta á Úlfliótsvatni. Í árslok varð svo alvarlegt rútuslys í Eldhrauni utan við Kirkjubæjarklaustur, þar sem einn einstaklingur lést. Við báða þessa alvarlegu atburði sýndu heilbrigðisstarfsmenn og aðrir starfsmenn HSU framúrskarandi fagmennsku og fumlauis vinnubrögð við að koma stórum hópi veikra og slasaðra til bjargar við erfiðar aðstæður.

Starf heilbrigðisþjónustunnar á víðfeðmu svæði eins og á Suðurlandi er stöðug áskorun. Nauðsynlegt er að hafa sterka sameiginlega sýn á hvert við stefnum með kjarnastarfsemi í heilbrigðisþjónustu á Suðurlandi. Þjónustan þarf að fá að þróast áfram og til að byggja upp öflugna þjónustu þar sem jafnræði ríkir í aðgengi þurfum við að vera tilbúin til nýsköpunar og breytinga. Það er áfram nauðsynlegt að geta byggt ofan á þann árangur sem hefur náðst og setja enn meiri orku í áframhaldandi faglega uppbyggingu heilbrigðisþjónustu á Suðurlandi. Leiðarljós okkar á HSU er að starfa saman sem ein heild að því að hlúa sem best að hagsmunum og þörfum þeirra sem til okkar leita. Við erum að skila frábæru faglegu starfi oft við þröngan kost. Við munum áfram gera okkar besta við að byggja áfram upp skilvirka og örugga heilbrigðisþjónustu á Suðurlandi.

Herdís Gunnarsdóttir
Forstjóri HSU



STARFSÁNÆGJUKÖNNUN MEÐAL STARFSMANNA HSU




Svarhlutfall miðað við heildarfjölda allra starfsmanna var 51%

Sammála Hvorki né Ósammála


ÁR Á HEILBRIGÐISSTOFNUN SUÐURLANDS*



Komur á BMT Selfossi




Samdægurstímar heilsugæslu



Fjöldi þeirra sem fá bókaðan tíma samdægurs á heilsugæslu.

*Starfsemistölur HSU á Höfn í Hornafirði eru gefnar út af Sveitarfélaginu Hornafirði.



20.902
vitjanir í
heimahjúkrun



876
innlagnir á
sjúkrahæðildir



1.108
skammtíma-
innlagnir bráðveikra



309
komur í
blóðskilun



7.920
komur á
göngudeildir




8.072
myndgreininga-
rannsóknir




16.309
komur á
rannsóknarstofu

Legudagafjöldi í sjúkrarýmum



Samtala á dagafjölda sem hver einstakur sjúklingur liggur inni á deild.

Meðallegutími í sjúkrarýmum



Meðallegutími hvers einstaks sjúklings mælt í dögum.

Þjónustusvæði HSU er 30.000 km² eða um 32% af Íslandi. Það er svipað og Belgía að stærð. Heildarfjöldi íbúa umdæmisins er 28.330.


Kirkjubæjar-klaustur
Heilsugæslustöð
Íbúafjöldi í Skaftárhreppi er 560

Höfn í Hornafirði
Heilsugæslustöð
Íbúafjöldi er 2.306


Vík í Mýrdal
Heilsugæslustöð
Íbúafjöldi í Mýrdalshreppi er 633




Á árinu endurnýjaði stofnunin alla bíla sína með leigusamning.



Sjúkrarúmanýting



Heimahjúkrun



TÖLUR ÚR REKSTRI HSU í þúsundum króna

Yfirlit um afkomu ársins 2017

TEKJUR

Sértekjur	1.004.948
Framlag ríkissjóðs	4.890.811
Tekjur alls	5.895.759

GJÖLD

Laun og launatengd gjöld	(3.901.671)
Annar rekstur	(2.033.107)
Gjöld alls	(5.934.778)

Fjármagnsliðir	2.690
Afkoma ársins	(36.329)

Efnahagsreikningur 31.12.2017

Fastafjármunir	254.899
Veltufjármunir	541.256
Eignir alls	796.155

Eigið fé.....	9.015
Skammtímaskuldir	787.140
Eigið fé og skuldir alls	796.155



1.682
komur íslenskra
ferðamanna



7.000
sumarhús eru í
umdæminu



28.330
íbúar eru í
umdæminu



3.694 millj. kr.
voru greiddar
í laun á árinu




468
starfsmenn í
305 ársverkum




2,1 millj. kr.
gjafafé í
gjafasjóð HSU

Samskipti á heilsugæslu



Samskipti yfir öll viðtöl, komur, símtöl, eftirlit o.fl.

Sjúkraflutningar



STARFSEMI HSU

Heilbrigðisstofnun Suðurlands starfrækir 9 heilsugæslustöðvar á 10 starfsstöðvum, í Þorlákshöfn, Hveragerði, Selfossi, Laugarási, Rangárþingi (Hellu og Hvolsvelli), Vestmannaeyjum, Vík í Mýrdal, Kirkjubæjarklaustri og Höfn í Hornafirði. Einnig eru starfrækt tvö sjúkrahús, eitt á Selfossi og annað í Vestmannaeyjum. Á Höfn í Hornafirði eru einnig nokkur bráðarými. Að auki eru hjúkrunar-, dvalar- og hvíldarrými rekin á Selfossi, Höfn í Hornafirði og í Vestmannaeyjum. Á Selfossi er opin bráðamóttaka allan sólarhringinn. Á öllum heilsugæslustöðvum HSU er bráðavakt lækis fyrir neyðartilfalli. Þá annast stofnunin alla sjúkraflutninga á svæðinu. Hjá stofnuninni starfa um 468 manns. HSU Höfn í Hornafirði er rekin af Sveitarfélagi Hornafjarðar samkvæmt samningi Velferðaráðuneytisins og Sjúkra-trygginga Íslands við Sveitarfélagið.

HEILSUGÆSLUSTÖÐVAR

Á öllum heilsugæslustöðvunum er veitt grunnþjónusta með áherslu á forvarnir og fræðslu. Þar er móttaka sjúklinga, bráða- og slysaþjónusta, vaktþjónusta, skólaheilsugæsla, heima-hjúkrun, mæðra- og ungbarnavernd, hjúkrunar- og sálfræðiþjónusta.

Heilsugæslan veitir fjölbreytta þjónusta lækna, hjúkrunarfræðinga og annarra heilbrigðisstétta, ásamt móttöku sérfræðinga.

LYFLÆKNINGA- OG SJÚKRADEILDIR

Á Selfossi er 18 rúma sólarhringsdeild þar sem veitt er almenn lyflækningaþjónusta og bráðaþjónusta í lyflækningum. Flestir sjúklingar sem leggjast inn koma eftir aðgerðir frá Landspítala og vegna bráðra veikinda frá bráðamóttöku HSU, hjúkrunarheimilum á Suðurlandi og Sólheimum í Grímsnesi. Um helm-ingur sjúklinga leggst inn á deildina vegna endurhæfingar eða legu í kjölfar skurðaðgerða frá bæklunardeild Landspítala, meðferðar vegna langvinna sjúkdóma eða líknandi meðferðar. Í Vestmannaeyjum er starfrækt 14 rúma sjúkradeild (legu-deild) fyrir almenna sjúkrahúsþjónustu og skammverurými.

BRÁÐA- OG SLYSAMÓTTAKA SELFOSSI

Sólarhrings bráðamóttaka er á Selfossi sem sinnir afar víðfeðmu svæði, allt frá Hellisheiði að Höfn í Hornafirði. Starfsemin hefur vaxið gríðarlega og munar miklu um fjölgun erlendra ferðamanna til landsins en einnig þann fjölda fólks sem býr og dvelur í sumarhúsabyggðum í nágrenni við Selfoss og í uppsveitum í Árnes- og Rangárvallasýslum. Á deildinni eru tvö skammverurými.

HJÚKRUNARDEILDIR

Á Selfossi eru 40 hjúkrunarrými og 2 hvíldarrými á einni hjúkrunardeild, Foss- og Ljósheimum. Í Vestmannaeyjum eru 7 hjúkrunarrými á sjúkradeild. Á báðum deildum er veitt meðferð til að efla og uppfylla andlegar, líkamlegar og félagslegar þarfir. Einnig er reynt færa tilbreytingu inn í daglegar athafnir, efla tómstundastarf og veita fræðslu.

SKURÐ- OG SPEGLUNARDEILDIR

Á Selfossi eru skurðaðgerðir gerðar einn dag í viku. Helstu aðgerðirnar eru: Háls-, nef-, og eyrnaaðgerðir og kvensjúkdómaaðgerðir. Á speglunardeild eru maga- og ristilspeglanir framkvæmdar 1- 2 daga í viku. Skurðstofa í Vestmannaeyjum er starfrækt að meðaltali eina viku í mánuði. Þar eru gerðar smærri skurðagerðir sem og maga- og ristilspeglanir.

LJÓSMÆÐRAVAKTIR

Á Selfossi og í Vestmannaeyjum er boðið upp á ljómæðrastýrða fæðingarþjónustu. Ljósmeður HSU sinna einnig konum með meðgöngutengd vandamál sem þurfa stutta innlögn eða göngudeildarþjónustu. Allri mæðravernd á Selfossi og í Vestmannaeyjum er sinnt af ljósmeðravaktinni. Auk þess skipuleggja ljósmeður á Selfossi mæðravernd á heilsugæslustöðvum HSU utan Vestmannaeyja. Á Selfossi eru ljósmeður deildarinnar á bakvakt fyrir hjúkrunardeild HSU á næturvöktum. Í Vestmannaeyjum sinna ljósmeður ungbarnavítjunum og göngudeildarþjónustu.

GÖNGUDEILDIR LYFLÆKNINGA

Á Selfossi er rekin göngudeild lyflækninga og á sjúkradeildinni í Vestmannaeyjum er rekin göngudeild tvisvar í viku fyrir sérhæfðar lyfjagjafir. Á göngudeild koma sjúklingar í blóðskilun, blóð- eða lyfjagjöf og vegna sjúkdóma eins og meltingarfæra-, húð-, tauga-, gigtar- og blóðsjúkdóma og krabba-meina. Göngudeildir hjartasjúkdóma eru á Selfossi og í Vestmannaeyjum þar sem gerð eru álagspróf og sólarhringsmælingar á hjartslætti og blóðþrýstingi.

SJÚKRAFLUTNINGAR

Aðalstarfsstöð sjúkraflutninga HSU er á Selfossi, en alls eru starfsstöðvarnar 6 talsins og sinna saman víðfeðmasta svæði landsins sem eitt lið sinnir, allt frá Hellisheiði austur að Lónsheiði. Undir þá falla einnig fjölfarin svæði og má þar nefna Þingvelli, Hellisheiði, Þrengslin og Mosfellsheiði og að auki nær þjónustusvæði þeirra uppá miðja jökla, uppsveitir í Árnes- og Rangárvallasýslum og austur í Örfasveit og Lón.

AÐRAR DEILDIR

Sjúkra- og iðjuþjálfarar og hreyfistjóri eru starfandi við HSU. Rannsóknastofur og myndgreiningadeildir eru á Selfossi og í Vestmannaeyjum og sinna öllum deildum HSU ásamt dvalarheimilum og heilsustofnunum á svæðinu. Skrifstofa og yfirstjórn HSU hefur aðsetur bæði á Selfossi og í Vestmannaeyjum. Á skrifstofunni starfar m.a. framkvæmdastjórn HSU. Læknarit-arar vinna á Selfossi og í Vestmannaeyjum og móttökuritarar starfa á öllum stöðvum. Eldhús eru starfrækt á Selfossi og í Vestmannaeyjum, tæknideild er á Selfossi og í Vestmannaeyjum. Þvottahús er rekið á Selfossi og fjöldi starfsmanna starfa við ræstingar á öllum deildum og stöðvum HSU.



Að jafnaði störfuðu um 468 starfsmenn hjá HSU árið 2017 og skiptust í eftirtalin ársverk:

- 74 ársverk hjúkrunarfræðinga og ljósmæðra
- 56 ársverk sjúkraliða
- 29 ársverk sjúkraflutningamanna
- 28 ársverk móttöku- og lækna ritara
- 27 ársverk lækna og sérfræðinga
- 24 ársverk við aðhlyningu
- 23 ársverk við ræstingu og þvotta
- 14 ársverk við innkaup, stjórnunar- og skrifstofustörf
- 13 ársverk við eldhússtörf
- 11 ársverk við myndgreiningu og rannsókn
- 3 ársverk við endurhæfingu
- 3 ársverk við umsjón fasteigna
- 3 ársverk sálfræðinga

Heimiluð stöðugildi eru 278 en unnin ársverk 305.

MIKILVÆGI GJAFNA

Á hverju ári færa velunnarar HSU gjafir, bæði smáar sem stórar. Gjafirnar hafa gert stofnunni fært að endurnýja nauðsynlegan tækjabúnað og bæta þjónustuna í leiðinni. Að njóta slíkrar góðvildar frá einstaklingum, fyrirtækjum eða félagasamtökum er ómetanlegt fyrir starfsseminna. Starfsfólk HSU færir öllum velunnurum hugheilar þakkir fyrir gjafirnar.

- 🎁 Aðstandendur Helgu Einarisd.
- 🎁 Árnesingakórinn
- 🎁 Guðni Guðmundsson
- 🎁 Kvenfélag Biskupstungnahrepps
- 🎁 Kvenfélag Gaulverjabæjarhrepps
- 🎁 Kvenfélag Hvammshrepps
- 🎁 Kvenfélag Hveragerðis
- 🎁 Kvenfélagið Líkn

- 🎁 Kvenfélagið Hvöt
- 🎁 Kvenfélag Selfoss
- 🎁 Lionsklúbburinn Geysir
- 🎁 Lionsklúbbur Selfoss
- 🎁 Lionsklúbburinn Suðri
- 🎁 Oddfellow stúkur
- 🎁 Vosbúð Vestmannaeyjum



GILDI HSU



FAGMENNSKA

- Við búum yfir faglegri hæfni og umgöngumst notendur þjónustunnar af virðingu og nærgætni.
- Við erum opin fyrir þróun og nýbreytni í starfseminni og endurmetum vinnubrögð okkar í þeim tilgangi að bæta árangur.
- Við vinnum eftir skýrum verkefnum og virku gæðakerfi.



VIRÐING

- Við sýnum notendum og samstarfsfólki virðingu.
- Við hlustum og tökum tillit til ólíkra sjónarmiða við úrlausn mála og samskipti okkar byggja á trausti til hvers annars.
- Við kappkostum að veita þjónustu á grundvelli jafnræðis og vinnum saman að lausn verkefna með velferð notenda þjónustunnar að leiðarljósi.



SAMVINNA

- Við veitum góðri frammistöðu athygli og hvetjum hvert annað.
- Við deilum þekkingu og erum tilbúin að leita eftir handleiðslu hvert hjá öðru.
- Við vinnum saman sem ein heild við að sinna hagsmunum og þörfum þeirra sem til okkar leita.
- Við ástundum samvinnu við hagsmunaaðila.